

Oratores latini


Cicero.

Ciceronis (M. Tull.) pro Marcus Marcello ad Pa-  
tres Conscriptos et Caium Caesarem Oratio.

Impress. Prag. per Matthiam Scharffenbergk.

1528.

Biblioteka Jagiellońska.



II. a. 29.



Klamyey No 241

II. a. 29.

# MARCI TVL. CICE

RONIS PRO MARCO MARCELLO

ad Patres Conscriptos & Caium

Caesarem Oratio.

IOANNES BAPTISTA NOVOSOLIENSIS

In laudem Ciceronis, Ad Candidum Lectorem.

Candorem illius si quis cognoscere lingue

Optat, qua celebris Martia Rhoma fuit

Osque suum cupit ingenuum ditare venustis,

Dicendi vsa quibus terra latina modis.

Incumbat scriptis quæ Tullius ipse reliquit,

Hæc manibus verset nocte dieque suis.

Eloquii vicit populum splendore Latinum

Victor, quo nullus maior in orbe fuit.

Hoc autore tibi tu commoda multa parabis

Ferre tuum hoc poteris nomen in astra ducere.

FRANCISCVS MYMERVS LEWENBERGVVS,

In laudem Ioannis Baptistæ Oratoris facun-

dissimi, Hexastichon.

Esse putes cuius concessit laurea lingue

Cum princeps orbis maxima Rhoma fuit

Et credas Caium, cui magna Martia proles

Doctrinæ laudem, detulit eximiam.

In labris eius dulcissima Suada quiescit

Inque suo Pallas pectore docta sedet.

On souscrit aussi à L'ITALIE chez les libraires, marchands d'estampes, directeurs des postes, et dans les cabinets littéraires.

MM. les souscripteurs sont priés de ne pas concevoir d'inquiétude quand il y aura des lacunes dans l'ordre numérique des planches. Les numéros qui manqueraient ne tarderont pas à paraître dans une des livraisons suivantes.

La carte polychrome de l'Italie est entre les mains de M. Tardieu, graveur, et sera publiée incessamment.

La Toscane est complète en treize livraisons. Prix, pour les non-souscripteurs, 8 fr.

W. VI. 87 d

BIBLIOTH. UNIV.



Cim. Qu.

4350

JACKSONIAN



CLARISSIMO ATQVE ERVDITISSIMO  
VIRO, DOMINO FRANCISCO BONER, IOANNES  
Baptista Nouosoliensis, Salutem.

Cum superioribus diebus uir Clarissime, nonnullis in hac urbe eloquentiæ studiis, illos quatuor Rhetoricæ ad Herennium libros profiterer, quoniam præcepta parū profunt, nisi etiā exempla subiiciantur, Rogatus sum ab eisdem auditoribus meis, ut eorum exercitij causa aliquam ex M. Tullio orationem in docendo subiungerē in qua illis artificium Ciceronis eloquentiæ Latine primāpis ostenderem, singulaq; exempla ibidem reperta, ad singulas præceptiones referrem, ut sic in usum quodammodo Oratoriæ facultatis deducerentur. Ego recto & honestissimo illorum desiderio satis facere uolens, delegi hanc M. Ciceronis orationem, luulentiam, grauem, ornatam, quā ad C. Cæsarem, & P. C. habuit, cum M. Marcello, diu doctissimo ac integerrimo reditum in patriam a Cæsare impetrasset: hanc illis explicandam assumpsi, eamq; seorsum ab alijs orationibus imprimendam curavi, ut sic a dicendi studiosis facile comparari atq; haberi possit. Cum autem intra me cogitarem sub cuius nomine hæc oratio in publicum sic impressa prodire deberet, uenit mihi in mentem, quod iam sæpe ex multis audiui, te eloquentiæ studiis, & philosophiæ, iuris ciuilibus, cæterarumq; nobilium artium disciplinis sumopere delectari. Quamobrem nomini tuo hanc orationem dedicandā esse censiui, & eo libentius dedicadam, q. ut audio summæ huic uirtuti hoc est eloquentiæ, etiam cæteras præclaras artes semper adiungas, contra morem nostrorum hominum, qui dum philosophiæ aliarumq; disciplinarum studiis indulgent, ita illis indulgent, ut dicendi scientiam omnino repudient, qui quidem mihi nullo modo laudandi uidentur. Illi uero non solum non laudandi, uerumetiam magnopere uituperandi, qui præceptis Rhetoricæ tanta incumbunt diligentia, ut philosophiam rerum pulcherrimarum scientiam, & alias artes hominis libero dignas, prorsus negligant & contemnant. Quā quidem utrorumq; studendi rationem, ab ineunte ætate, cum nullos adhuc harum rerum idoneos haberem iudices, nunquam probaui. Cum uero tandem in Italia essem, hanc meam sententiam doctissimorum & prudentissimorum hominum, inter quos frequenter & cum summa delectatione uersari consueueram, iudicia confirmarunt. Præcipue autem animum hunc corroborauit meum consuetudo studendi Lazari Bonamiæ Vincentini, quo præceptore diu usi sumus, qui ex hac bene instituta studiorum ratione, laudem magni philosophi magniq; Oratoris hoc est hominis admirandi, perfectissimi, & omni honore dignissimi, auctorum suffragijs est consecutus. Orationem itaq; hanc a alijs semotum tibi uiro eloquentia cæterisq; nobilissimis doctrinis uirtutibusq; claro & ælebrī mitto, & sub splendore nominis tui in manus studiosorum ædo, ut hæc oratio summi Oratoris elegantissima, sub tuæ singularis doctrinæ præsidio seare recumbat

et sub umbra magnarum tuarum uirtutum, felicius conqueſcat. Te autem etiam atq; etiam rogo uir humanissime & eruditissime, ut hoc munusculum tam gra-  
uissimo animo a me suscipere uelis, quam ego singulari erga te obseruantia, affecto tibi mittendum decreui, quod te propter egregiam tuam  
in omni doctrinarum & uirtutum genere præstantiam  
facturum non diffido. Cracouiæ, Vicesima nona  
Maij. Anno salutis nostræ. Millesimo,  
Quingentesimo Vicesimo octauo.

AD EVNDEM DOMINVM FRANCIS-  
cum Boner, Eiusdem Ioannis Baptiste Carmen.

Quid magnis animis, quid claro stemmate nato  
Dignius esse viro posset, quid honestius alto  
Ingenio? quam nobilium peruoluere scripta  
Authorum, totaq; illis incumbere mente.  
Non nobis ludi, nec opes, non magna potestas;  
Non epulæ laute, præbent solacia tanta  
Quanta ferunt nobis fœlices gaudia libri.  
Cœlesti plenos fundunt dulcedine sucos.  
Consilium nobis hinc, & prudentia crescit  
Hinc doctrina grauis, dicendi hinc larga facultas.  
Non mirum ergo tui si te Franciscæ beatos  
Excelsi natura animi decerpere fructus  
Delicijsq; frui librorum sedulo cogit.  
Bibliotheca quibus tua fecundissima floret.  
Inclita doctorum in qua sunt monumenta virorum.  
Quam Ioue nata colit, Panacea spargit odorem  
Per totas, habitant quas Musæ & Cinthius, edes.

A ii



M. T. C. PRO M. MARCELLO, AD P. C. ET

Caicum Caesarem Oratio.

**D**luturni silentij P. C. quo eram vsus his temporibus non timore aliquo: sed partim dolore, partim verecundia, finem, hodiernus dies attulit. Idemq; initium quæ vellem quæ sentirem meo pristino more dicendi. Tantam em̄ mansuetudinem, tam inusitatam inauditamq; clementiam, tantum in summa potestate rerum omnium modum, tam denique incredibilē sapiētiā Caesaris, ac pene diuinā tacitus nullo modo praterire possum, M. n. Marcello vobis, P. C. Reip. p. red- dito, non illum solum, sed etiam vocem meam & auctoritatē.

& vobis & Reip. conseruatam, ac restitutam, & instauratam puto. Dolebam em̄ P. C. & vehementer angebar cum vide- rem virū talem, qui in eadem causa fuisset in qua ego fuisset, nō in eadem fortuna esse. Nec mihi persuadere poteram, nec fas esse ducebā versari me in vestro veteri curriculo illo æmu- lo atq; imitatore studiorum atq; laborum meorum, & quasi q- dam socio & comite distracto. Ergo & mihi & meæ pristinae vitæ consuetudinem, C. Caesar interclusam aperuisti, & his omnibus ad bene de Repub. sperandum quasi signum aliqd iustulisti. Intellectum em̄ est mihi quidem in multis & maxie in meipso, & paulo ante in omnibus, cum M. Marcellum Sena- tui Reip. P. concessisti, commemoratis præferum & offensio- nibus te auctoritatem huius ordinis, dignitatemq; Reip. tuis vel doloribus vel suspicionibus anteferre. Ille quidem fructū omnis antea vitæ hodierno die maximum cœpit, cum sum- mo consensu, Senatusq; iudicio tuo grauissimo & maximo ex quo profecto intelligis quanta in dato beneficio sit laus, cū

PRO M. MARCELLO.

in accepto, tanta sit gloria. Est vere fortunatus ille, cuius ex fa- lute nō minor pene ad omnes q̄ ad illum vētura sit læticia per- uenerit, qd quidem ei merito atq; optimo iure contigit. Quis em̄ est illo, aut probitate, aut nobilitate, aut optimarum artiū studio, aut innocētiā, aut vilo laudis genere præstantior? Nul- lius tantum flumen ingenij est, nulli dicendi aut scribendi tan- ta vis tantaq; copia, quæ non dicam exornare, sed enarrare C. Caesar res tuas gestas possit. Tamen hoc affirmo, & hoc pace dicam tua, nullam in his esse laudem ampliorem, q̄ eam quam hodierno die consecutus es. Soleo saepe ante oculos ponere, idq; libenter crebris vsurpare sermonibus omnes nostrorum imperatorum, omnes exterarum gentium potentissimorumq; populorum, omnes regum clarissimorum res gestas cum tuis, nec contentionum magnitudine, nec numero præliorum, nec varietate regionum, nec celeritate conficiendi, nec dissimilitu- dine bellorum posse conferri. Nec vero dissimilissimas terras citius passibus cuiusq; potuisse peragrari, quam tuis non dicā cursibus, sed victorijs illustratæ sunt: quæ quidem ego nisi ita magna esse fatear, vt ea vix cuiusq; mens aut cogitatio capere possit, amens sim. Sed tamen sunt alia maiora. Nam bellicas laudes solent quidam extenuare verbis, easq; detrahere ducia- bus, communicare cum multis, ne propria sint imperatorum, & certe in armis militum virtus, locorum oportunitas, auxilia sociorum, classes, commeatus multum iuuant. Maximam ve- ro partē quasi suo iure fortuna sibi vindicat, & quicqd est p- pere gestum, id pene omne ducit suum. At vero huius gloriæ C. Caesar, quam es paulo ante adeptus socium habes nemine

A

ii



## M. T. C. ORATIO

Totum hoc quantumcunque est, quod certe maximum est, totum inquam est tuum. Nihil enim tibi ex illa laude Centurio, nihil praefectus, nihil cohors, nihil turma decerpit. Quin & illa humanarum rerum domina fortuna, in istius societatem gloriae se non offert, tibi cedit, tua esse tota & propria fateor. Nunquam enim temeritas cum sapientia commiscetur, neque ad consilium casus admittitur. Domuisti gentes: immanitate barbaras, multitudine innumerabiles, locis infinitas, omni copiarum genere abundantes. Sed tamen ea vicisti quae naturam & conditionem ut vinci vi possent: habebat. Nulla est enim tanta vis, tanta copia, quae non ferro ac viribus debilitari ac fragi possit. Verum animum vincere, iracundiam cohibere, victoriam tempore, aduersarii nobilitate/ingenio/virtute/praeferentem non modo extollere iacentem, sed & amplificare eius pristinam dignitatem, haec qui faciat, non ego eum summis viris comparo: sed simillimum deo iudico. Itaque C. Caesar bellicae tuae laudes celebrabunt. Ille qui dem neque solum nostris, sed pene omnium gentium literis atque linguis. Neque vlla vna aetas de tuis laudibus conticescet. Sed tamen eiusmodi res nescio quomodo etiam cum leguntur obstrepere clamore militum videntur, & tubarum sono. At vero cum aliquid clementer/mansuete/iuste/recte/moderate/sapienterque factum in iracundia praesertim quae est inimica consilio, & in victoria: quae natura & insolens & superba est, aut audimus, aut legimus, quo studio incedimus: non modo in gestis rebus, sed & in fictis: ut eos saepe quos nunc vidimus diligamus. Te vero quae praesentem intuemur, cuius mentem sensusque & os cernimus, ut quicquid belli fortuna reliquit Reipublicae fecerit, id esse saluum velis.

## PRO M. MARCELLO.

Quibus laudibus efferemus: quibus studiis persequemur/Qua beniuolentia complectemur? Parietes C. Caesar mediocriter ut mihi videtur huius curiae tibi gratias agere gestiunt, quod breui tempore illa futura sit auctoritas in his maiorum suorum & suis sedibus. Equidem cum M. Marcelli viri optimi & commemorabili pietate, ac virtute praediti lachrymas modo vobiscum viderem, omnium Marcellorum meum pectus memoria effodit, quibus tu & mortuis M. Marcello conservato dignitate suam reddidisti, nobilissimamque familiam iam ad paucos redactam pene ab interitu vindicasti. Hanc tu igitur diem tuis maximis & innumerabilibus gratulationibus iure antepones, haec enim res unius est propria C. Caesaris, ceterum te gestare, magnae illae quidem sed tamen multo magnoque committatur huius aut rei tu idem dux es & comes, quod quidem tanta est, ut nulla trophaeis & momumentis tuis allatura sit sine aetas. Nihil autem est opere aut manu factum, quod aliquando non conficiat, & non consumat vetustas. At vero haec tua iustitia & lenitas floret cotidie magis, ita ut quantum opibus tuis diuturnitas detrahet, tantum afferat laudibus. Et cum ceteros quidem omnes victores bellorum civilium iam antea aequitate & misericordia viceras, hoc diurno vero die te ipsum vicisti. Vereor ne hoc quod dicam non perinde possit intelligi auditum, atque ego ipse cogitas sentio, ipsam victoriam vicisse videris, cum ea illa quae ipsa adepta erat victis remisisti. Nam cum ipsius victoriae conditione iure omnes victi occidisset, clementiae tuae iudicio conservati sumus. Recte igitur unus inuictus es, a quo etiam ipsius victoriae conditio visque devicta est. Atque hoc C. Caesaris iudicium P. C. quod late pateat attendite. Omnes enim qui ad arma fato sumus nescio quo Reipublicae misero fune



# M. T. C. ORATIO

Itaque cōpulsū, & si aliqua culpa tenemur erroris humani a scelerere certe liberati sumus. Nam cū M. Marcellū deprecātibus vobis Reip. conseruauit, memet mihi & item Reip, nullo deprecāte, & reliquos amplissimos viros & sibiipsis & patrie reddidit, quorū & frequētiā & dignitatē hoc ipso in cōfessu videtis. Non ille hostes induxit in curiā, sed indicauit, a plerisque ignorantia potius, & falso atq; inani metu, q̃ cupiditate & crudelitate ciuile bellū esse susceptū, quo quidē in bello semp de pace agendū audiēdumq; esse putauī, semperq; dolui nō modo pacem, sed & orationē ciuū pacē efflagitantū repudiari, Neq; em̃ ego illā nec vlla vnq; secutus sum arma ciuilia, sempq; mea cōsilia pacis, & togæ socia nō belli atq; armorū fuerūt, hominē sum secutus priuato officio nō publico, tantumq; apud me grati animi fidelis memoria valuit, vt nulla non modo cupiditate, sed ne spe quidē prudens & sciens tanq; ad interitum ruerem voluntariū, quod quidem meū cōsiliū minime obscurum fuit. Nam & in hoc ordine integrare, multa de pace dixi: & in ipso bello eadē etiā cū capitis mei periculo sensi, ex quo nemo erit tam iniustus rex estimator qui dubitet, quē Cæsari de bello voluntas fuerit, cū pacis auctores conseruandos censuerit statim cæteris fuerit iratior. Atq; id minus mireretur fortasse, tum cū esset incertus exitus, & anceps fortuna belli. Qui vero victor pacis auctores diligit, is profecto declarat maluisse se nō dimicare quā vincere. Atq; huius quidē rei M. Marcello sum testis. Nostri em̃ sensus vt in pace semper sic tum & in bello congruebant. Quotiēns ego eū & quanto cū dolore vidi, cum insolentiam cæterorum hominū,

# PRO M. MARCELLO.

tum ipsius victorię ferocitatem extimescentem. Quo gratioꝝ tua liberalitas C. Cæsar nobis, qui illa vidimus, debet esse. Nō em̃ iam causę sunt inter se, sed victorię comparādę. Vidimus tuam victoriā preliorum exitu terminatā, gladium vagina vacuū in vrbe nō vidimus. Quos amissimus ciues, eos vis Martis perculit non ira victorię, vt dubitare debeat nemo qn multos si fieri posset C. Cæsar ab inferis excitaret, quoniam ex eadem acie conseruat quos potest. Alterius vero partis nihil amplius dico quam id quod omnes verebamur, nimis iracundā futuram esse victoriā. Quidā em̃ non modo armatis, sed interdū etiā ociosis minabātur. Nec quid quisq; sensisset, sed vbi fuisset, cogitandū esse dicebant, vt mihi quidem videantur dii immortales etiā si pœnas a Po. Ro. ob aliquod delictum expetierint, qui ciuile bellum & tam luctuosum excitauerunt, vtp̃ placati iam vtp̃ etiā faciat aliquādo omnē spē salutis ad clementiam victoris & sapientiam contulisse. Quare gaude tuo isto tam excellenti bono, & fruerē vnā cum fortuna & gloria, tum etiā natura & moribus tuis, ex quo quidem maximus est fructus iucunditasq; sapienti. Cætera cum tua recordabere, & si persape virtuti, tamen plerūq; fœlicitati tuę gratulabere. De nobis quos in Republica tecum simul saluos esse voluisti, quotiens cogitabis, totiēns de tuis maximis beneficijs, totiēns de incredibili liberalitate, totiēns de singulari sapientia tua cogitabis: quæ non modo summa bona, sed nimirum audebo vel sola dicere. Tantus em̃ splendor in laude vera, tanta in magnitudine animi & cōsiliū dignitas, vt hæc a virtute donata, cetera a fortuna commodata esse videantur. Noli igitur in conser

B



# M. T. C. ORATIO

uandis viris bonis defatigari non cupiditate aliqua praesertim  
aut prauitate lapsis, sed opinione officij stulta fortasse certe non  
improba & specie quadam Reipublicae. Non enim aliqua tua  
culpa est, si te aliqui timuerunt. Contraque summa tibi laus est,  
quod plerique minime timendum fuisse senserunt. Nunc venio ad  
grauissimam querelam, & atrocissimam suspicionem tuam, quae  
non tibi ipsi magis quam cum omnibus ciuibus, tum maxime  
nobis, qui a te conseruati sumus prouidenda est, quae & si spe-  
ro esse falsam, nunquam tamen extenuabo verbis. Tua enim  
cautio nostra cautio est, ut si in alterutro peccandum sit, ma-  
lim videri nimis timidus quam parum prudens. Sed quisnam  
est iste tam demens, qui scilicet tibi insidiaretur? De tuis ne-  
Tam & si qui magis sunt tui quam quibus tu salutem insperans  
tibus reddidisti? An ex eo numero qui vna tecum fuerunt?  
Non est credibilis tantus in vilo furor, ut quo duce omnia sum-  
ma sit adeptus, huius vitam non anteponat suam. At si tui nihil  
cogitant sceleris, cauendum est ne quid inimici. Qui? Omnes  
enim qui fuerunt, aut sua pertinacia vitam amiserunt, aut tua  
misericordia retinuerunt, ut aut nulli supersint de inimicis, aut  
qui superfuerunt, sint amicissimi. Sed tamen cum in animis ho-  
minum tanta latebra sint & tanti recessus, augeamus sane sus-  
picionem tuam, simul enim augebimus & diligentiam. Nam  
quis omnium tam ignarus rerum, tam rudis in Reipublica, tam  
nihil unquam nec de sua nec de communi salute cogitans, qui non  
intelligat tua salute contineri suam? & ex vnius tui vitam pen-  
dere omnium? Equidem de te dies noctesque ut debeo cogi-  
tans casus dumtaxat humanos & euentus incertos valitudi-

# PRO M. MARCELLO

nis & naturae communis fragilitatem extimesco. Doleoque cum  
Respublica immortalis esse debeat, eam in vnius mortalis ani-  
ma consistere. Si vero ad humanos casus incertosque motus va-  
litudinis sceleris etiam accedat insidiarumque consensio, quem  
deum etiam si cupiat, posse opitulari Reipublicae credamus?  
Omnia sunt excogitanda tibi C. Caesar, excitanda vni, quae ia-  
cere sentis belli ipsius impetu, quod necesse fuit, perculsa ac  
prostrata plura videre, constituenda iudicia, reuocanda fides  
comprimendae libidines, propaganda soboles, omniaque quae  
delapsa iam fluxerunt, seueris legibus vincienda sunt. Non  
fuit recusandum, in tanto ciuili bello, tantoque animorum ar-  
dore & armorum, quin quassata Respublica quicumque belli  
euentus fuisset, multa perderet & ornamenta dignitatis, &  
praesidia stabilitatis suae. Multa quae vterque dux faceret arma-  
tus, quae idem togatus fieri prohibuisset. Quae quidem nunc  
tibi omnia belli vulnera sananda sunt, quibus praeter te mede-  
ri nemo potest. Itaque illam tuam praeclarissimam & sapientissi-  
mam vocem inuitus audiui, satis te diu vel naturae vixisse vel  
glorie. Satis si ita vis fortasse naturae, addo etiam si placet gloriae,  
Ad id quod maximum est patriae, certe parum. Quare omitta  
te quaeso istam doctorum hominum in contemnenda morte  
prudentiam. Noli nostro periculo sapiens esse. Saepenumquam enim  
venit ad meas aures te idem istud nimis crebro dicere, satis te  
tibi vixisse. Credo, sed tum id audirem, si tibi soli viueres, aut  
si tibi soli etiam natus esses. Nunc cum omnium ciuium salutem  
cunctamque Rempublicam res tuae gestae complexae sint, tan-  
tum abes a perfectione maiorum operum, ut fundamenta quae



M. T. C. ORATIO

cogitas nondum ieceris. Hic tu modum vitæ tuæ non salutē  
Reipublicæ, sed æquitatem animi definies? Quid si istud ne glo-  
riæ quidem tuæ satis est? cuius te esse auidissimum quamuis  
sis sapiens, non negabis. Parum ne igitur iniquis gloriam ma-  
gnam relinquimus? Immo vero alijs quamuis multis satis,  
tibi vni, parum. Quicquid enim est quamuis amplum sit, idē  
certe parum est, tum cum est aliquid amplius. Quod si rerum  
tuarum immortalium C. Cæsar, hic exitus futurus fuit, ut de  
uictis aduersarijs, Rempublicam in eo statu relinqueres in  
quo nunc est, vide quæso ne tua diuina virtus, admirationis  
plus sit habitura, quam gloriæ. Siquidem gloria est illustris  
peruagata multorum & magnorum vel in suos ciues, vel in  
patriam, vel in omne genus hominum fama meritorum. Hęc  
tibi igitur reliqua pars est, hic restat actus, in hoc elaborandū  
est, ut Rempublicam constituas, eaq; tu imprimis composita  
cum summa tranquillitate & otio perfrui. Tum te & si vo-  
les, cum & patriæ quod debes solueris, & naturam ipsam ex-  
pleueris facietate viuendi, satis diu vixisse dicito. Quid est em̃  
omnino hoc ipsum diu, in quo est aliquid extremum? quod  
cum venerit, omnis voluptas præterita pro nihilo est, quia po-  
stea nulla futura est. Quancq; iste tuus animus nuncq; his an-  
gustijs quas nobis natura ad viuendum dedit contentus fuit,  
semperq; immortalitatis amore flagrauit. Nec vero hæc tua  
vita dicenda est, quæ corpore & spiritu continetur. Illa inquā  
illa vita est tua Cæsar, quæ vigeat memoria seculorum om-  
nium: quam posteritas alet, quam ipsa æternitas semper intue-  
bitur. Huic tu inservias, huic te ostentes oportet, quæ, quidē

PRO M. MARCELLO.

& quæ miretur iam pridem multa habet. Nūc etiam quæ lau-  
det expectat. Obstupescant posteri certe, imperia, prouinti-  
as, Rhenum, Oceanum, Nilum, pugnas innumerabiles, in-  
credibilesq; victorias, monumenta innumera, triumphos, au-  
dientes & legentes tuos. Sed nisi hæc vrbs stabilita tuis con-  
silijs & institutis fuerit, vagabitur modo tuum nomen longe  
atq; late. Sedem autem stabilem & domicilium certum non  
habebit. Erit inter eos etiam qui nascetur, sicut inter nos fuit  
magna dissensio, cum alijs laudibus ad cælum res tuas gestas  
efferrerent, alijs fortasse aliud requirerent, idq; vel maximum nisi  
belli civilis incendium salute patriæ restrinxeris, ut illud fati  
fuisse videatur, hoc consilij. Serui igitur ijs etiā iudicibus, qui  
multis post sæculis de te iudicabunt. Equidem scio an incor-  
ruptius quam nos. Nam & sine amore, & sine cupiditate, &  
rursus sine odio, & sine inuidia iudicabunt. Id autem etiam si  
tunc ad te ut quidam falso putant, non pertinebit: nunc certe  
pertinet te esse talem, ut laudes tuas obscuratura nulla vnquā  
sit obliuio. Diuersæ voluntates ciuium fuerunt, distractæq;  
sententiæ. Non enim consilijs solum & studijs, sed armis etia-  
am & castris dissidebamus. Erat autem obscuritas quædam,  
erat certamen inter clarissimos duces. Multi dubitabant quid  
optimum esset. Multi quid sibi expediret, multi quid deceret,  
nonnulli etiā quid liceret, perfuncta est Respublica hoc mise-  
ro fataliq; bello. Vicit is qui non furore inflammaret odium  
suum, sed bonitate leniret. Neq; omnes quibus iratus esset,  
eosdem etiā exilio aut morte dignos iudicaret. Arma ab alijs  
posita, ab alijs erepta sunt. Ingratus est iniustusq; ciuis, qui ar-



**M. T. C. ORATIO**

*in illis diebus* morum periculo liberatus animum tamen retinet armatū, ut  
iam ille sit melior qui in acie cecidit, quam qui in causa animā  
*inquitur* profudit. Quæ enim pertinacia quibusdam, eadem alijs con-  
stantia videri potest. Sed quia iam omnis fracta dissensio est ar-  
mis & extincta æquitate victoris. Restat ut omnes vnum ve-  
lint, qui habent aliquid non sapientiæ modo sed etiā sanitatis,  
quia nisi te C. Cæsar salvo etiā in ista sententia, qua cum antea  
tum hodie maxime usus es, manente salui esse non possumus,  
Quare omnes te qui hæc salva esse volumus, & hortamur &  
obsecramus, ut vitæ, ut salutis tuæ confidas, omnesq; tibi, ut p-  
alijs etiā loquar, id quod de me ipso sentio, quoniam subesse ali-  
quid putas quod cauendum sit, non modo excubias & custo-  
as, sed etiam laterum nostrorum oppositus & corporum polli-  
cemur. Sed ut vnde est orsa in eodem oratio mea terminetur,  
maximas tibi omnes gratias agimus C. Cæsar, maiores etiā ha-  
bemus. Nam omnes idem sentiunt, quod ex omnium præci-  
bus & lachrymis sentire potuisti. Et quoniam non est, omni-  
bus astantibus necesse dicere. A me certe dici volunt, cui ne-  
cesse est quodammodo & quod volūt certe & quicquid fieri  
debet, & quod M. Marcello a te huic ordini P. Q. R. & Rei  
pub. reddito fieri intelligo. Nam latari omnes non ut de vni-  
us solum, sed ut de communi omnium salute sentio. Quod au-  
tem summæ benevolentia est, quæ mea erga illum omnibus  
nota semper fuit, ut vix M. Marcello optimo & amanti-  
ssimo fratri, præter eum quidem cederem nemini, cum id sol-  
licitudine cura laborare tam diu præstiterim quam diu est de  
illius salute dubitatum, certe hoc tempore magnis curis, mo-

**PRO M. MARCELLO.**

lestijs, doloribus, liberatus præstare debeo. Itaq; Cæsar  
sic tibi gratias ago, ut me omnibus rebus a te nō ser-  
uato solum, sed etiā ornato, tamen ad tua in me ve-  
num innumerabilia merita, quod fieri iam  
posse non arbitrabar, maximus hoc  
tuo facto cumulus accesserit.




Impressum Cracouia, per Mathiam Scharffenbergk, Anno  
domini, Millesimo Quingentesimo,  
Vigesimo octauo. 30. Maij.





SONINO




ROME



CAMPAGNE DE ROME



HERCULANUM



PALERME



FLORENCE



PAUSILIPPE

# L'ITALIE.

LA SICILE, LES ILES ÉOLIENNES, L'ILE D'ELBE,  
la Sardaigne, Malte, l'île de Calypso, etc.

D'après les inspirations, les recherches et les travaux

DE MM. LE VICOMTE DE CHATEAUBRIAND, DE LAMARTINE,  
RAOUL-ROCHETTE, LE COMTE DE FORBIN, PIRANESI, MAZZARA,  
ET DE NAPOLEON, DENON, SAINT-NON, LORD BYRON, GÖTTE, VISCONTI,  
CICOGNARA, LANZI, DE BONSTETTEN, SWINBURNE, ETC.

ROYAUME DE NAPLES,

PAR M. G. D. DE LA CHAVANNE.

SITES, MONUMENS, SCÈNES ET COSTUMES,

D'APRÈS M<sup>me</sup>. HAUDEBOUT-LESCOT, MM. HORACE-VERNET, GRANET, ISABEY,  
CICERI, MAZZARA, LEMAJOR LIGHT, LE CAP. EATLY, COOKE, GELLET GANDY,  
PINELLI, FERRARI, ZUCOLI, ET BEAUCOUP D'AUTRES ARTISTES ITALIENS.

RECUEILLIS ET PUBLIÉS PAR AUDOT PÈRE,  
Membre de la Société de Géographie.

Paris.

AUDOT FILS, LIBRAIRE-ÉDITEUR,  
RUE DU PAON, 8, ÉCOLE DE MÉDECINE.

1854.



POMPEI



VENISE



GÈNES



ROME NAPLES



